

佳邨集
乾

5563.8
4026.1
v.1

BERKELEY
LIBRARY
UNIVERSITY OF
CALIFORNIA

Carpentier

佳邨文集序

粵在 正廟右文之盛代未有以不文而進于朝然
自國朝來以功令取士故登館閣主文柄者皆科目
中人其始也莫不以功令爲進身之階而旣取第矣
則所謂功令之文復將安所用哉終乃爲文而不離
功令之習者不足以爲文然反而究之則治功令者
於爲文乎亦不爲無助始雖發軔於功令進而主盟
於文苑者多矣故嘉義大夫戶曹叅判兼同知義禁
府事佳邨李公在早年以功令取第無貴近勢力之
援進晚而受知于 正廟屢蒙 寵眷位躋宰列同

時湖之南有若奇尚書彥鼎高學士宅謙亦以文得
時譽皆爲上所深知公嘗以承旨入對前席上
教曰湖南雖有奇高兩人而此承宣之風度眞宰相
也嗚呼公之荷茲殊褒豈宜以風度而然哉亦必以
其文也公舊有稿若干卷而逸其半所存惟詩文各
一卷其文明白坦夷無所事於文而辭已達詩亦平
澹若不工於詩而工自見時發格言足以警悟人摠
言其詩文之旨趣則可知爲安分知命之君子宜乎
其受知於右文之主也公之曾孫鳳觀氏與宗孫錫
仲謀將以是鍍梓爲傳家之寶走其孫宰衡于五百

前經筵參贊官礪山宋榮大序

圭封文集卷之二

譽累中鄉解及釋褐嘗以假注書入侍輦轂薦笏
多其能手講聖學輯要義於經筵上喜之其他
庶歌之載在樂章者衆末又剔排僞異垂諸鑑戒章
章甚明是豈夫夫可能也耶雖然謂公不遇當世
使掌文銓以如許之才之藝必生黼廟堂輝映簡書
穆如清風庶幾吉甫之誦也審矣今乃業與職違退
詠邱水使同菟園遺冊是可惜也但念古人云詩能
窮人非詩之能窮窮則工然則公之文至不遇而肆
大歟由是言之向所謂不遇者適足以爲遇也庸何
傷乎公之述作富麗且繁而今距公之沒已逾百餘

禩矣蕩失於嗣孫之連世罹喪禍者多其曾孫鳳觀
氏嗟惜之蒐輯若干元二卷要余詳証焉余曰與其
藏於巾衍而私之曷若付剞劂而公布也鳳觀氏曰
諾願吾子有以文弁之余辭不獲已祇以所見叙其
大概如右云爾
著雍執徐垢月下澣東萊鄭寅鍾謹序
文以形道捨道文奚以哉竊觀世之文者徃徃遺筋
骨而事膚肉積費其雕刻繪紉之功而漚花冰山蓋
不啻於太公然矣今讀佳村李公集而一洗病之之
肚矣何其快歟公全義人仕而正宗朝躋三曹亞卿

風流令德至于今人士誦之而守正不撓之氣難進
易退之義尤稱盛朝名臣爲詩文動以理勝開卷
七分想詩書原像而工於脂粉者汗縮而欲括舌已
是詞苑寶鐸而論學問則繩尺經傳斧鉞異邪進奏
疏則痛陳弊瘼而不避權貴述家政則必本孝友而
切戎非僻布帛菽粟自皆貴珍於是乎亦可以千載
想公矣其遺集將付剞劂氏立孫炳祐銜其大人命
託余序余不敢辭而今西教瀕洞翠栢黃花門庭自
如於戲非公培植厚耶
戊辰端陽日善山柳源模敬序

佳村文集卷之一目錄

賦

戒太康

詩

示佳山精舍諸生

讀論語有感

又

謹次朱夫子讀山海經韵

其二

其三



其四

其五

其六

其七

其八

其九

其十

疇昔之夜夢陪先君顏色敷腴悅如平時多

有警咳者而未能盡記倏然覺悟彷徨感涕而

已

效蔡夷甫尾吟體

仲春下第歸路有懷

又

陽月往潭州省村因作龜山之行與林生並鞭

初月

次晚庵韻

見雪消有感

即事

閒中無以爲樂即以眼前事口占

步前韻





鄉庄即事

小室曾產一子而未育心甚慘憐今又得男已

四五朔老懷亦多開顏之時因戲吟

到潭邑即事

見治王

自潭州省村歸

宿蘆峙站曉行

柳丈回昏宴

詠相思巖

方革爭勝時輒口占

智異山鷲谷寺答性上人韻

贈李生朝岳

登陝川涵碧樓

過三嘉

曉發向達城

達城與同行相別

過永川

道中即事

月松亭

浦村即事

竹西樓

漫行

上鏡浦臺

洛山寺次同行韻

寶日寮次崔簡易日出韻

上義相臺

繼祖窟呼韻相和

飛仙臺

上愛蓮亭次板上韻

送鄭百淳

洛山寺外戲贈欽甫氏

上洪川泛波亭

登驪州清心樓

玉果客店贈李興陽五岳

西村歸路

偶成

自遣

謝洛歸鄉本第

興宰臣奉和御製頽柑韻

奉和聖製重修光化門感舊韻

三月晦觀文臣重試還

有感隨記

雨後新涼快人

槐院入直

洛城贈羅丞旨

幽居

槐院吏以次報書催促故口占一絕

詠懷

漫興

贈李友

夢覺次簡易韻

病起把酒

次晦齋韻

次佔畢齋韻

立春日

聽蛙

病中即事

荒田爲風雨所敗歎

自叙

杏實

晴省直中

暮歸

秋興

謝李友巨源

登鳩林會社亭

上元會飲

雨中邀友

獨坐

秋夜

與諸朋川獵石隅沙汀

九日登佳山後岡

積雪

次古韵寓已意

又步前韵賦五絕

其二

其三

其四

其五

其六

其七



其八

次從叔老溪翁韵贈曹君

春日咏懷

病中拈唐律韵

自誌

勿染亭贈主人羅丞旨

京舍

思歸

春日西嶽洞口與諸友煮花唱酬

述懷

晴日半月社會飲

奉呈肇齋李茂叔

席上和士受溪亭酌

陪老溪翁觀魚前川

病渴思羹口之物園中櫻桃政紅手自取吞

與隣朋小酌

陪隨陵幸有感

臘晦有感

敬次御畫墨竹韻

次四皓圍棋圖

次松間鳴鶴圖

次天下地圖

次河洛圖

次畫梅四首

次鳶魚書法

海佛菴贈鶴上人

贈善上人

春夜偶吟

登佳山江亭

別趙兄

贈李友巨源

述懷

次栞葉翁

次向陽齋

菊秋涼夜獨坐無寐

十九日自城南聞有賀儀曉頭還家

至月初老溪翁來留源友復來共吟

送舍弟入府辦糴

即事

追次源友韵

陪老溪翁同話

又次是窩韻奉呈棄棄翁

小室男見擢

邀洞友四五老曲會

又賦五律四首

林檎

聞子規

贈瑣溪故人

述懷

李友長贈書佳山幽居四字及水竹清寒鶯花

富貴八字余揭諸壁上愛其蒼然有乃家法遂

逐字分的作七絕二十四句聊以詠懷

歲除

元日

次源友

山居

次柳下酌寄懷源友

源友方營子舍頗以心匠有勞因寄贈

復和

出宰鏡城



贈金剛僧

登鐵嶺

曉咸關嶺

過尹侍中璫臺

居山驛村海棠

到康雲嶺

踰康天嶺

除喉司感恩

張起之京

劉南泰嶺

入闕與群僚相和

宿騎堂

再往中日廳試所

夜起彷徨

直中無可與語者臥次屏風六帖韻六首

次柳君弼歸樂窩韻

自醫家暮還

懷祖起祖爲其先君遺事要得執友間悼亡詩

故以二絕贈

拙亞尹後感激有吟

源友之沒已周年矣奔走京國筋力殆盡時患
本症尙未一哭令人可歎遂感吟二絕

感聖恩吟

又

見早梅步舊韻

謝僧饋佐飯

題冬春栢二首

目食歎

擬古

有所思

夏夜病中作

愁

憶
紫宸

偶吟

有懷

悼亡二首
丁巳

自解

醉起言志

古詩

次林滄溪風雪訪草廬韻

讀滄溪夜坐放言次谿谷韵亦各言其志也遂

感而追續

挽林生員秀栢代人製

挽古阜某人代人製

戲題

挽金溝宋姓人

挽羅丞旨

又

和源友

佳村文集卷之一目錄終

佳村文集卷之一

賦

戒太康

己卯
應
舉

絃嘒嘒而反悲
擊井扞而遐翹
似用威於叙歌
姬執功於同稼
瞿瞿戒乎太康
捐陶唐之遺黎
橋深思於處娛
勵微軌於致祗
謨君子之夕惕
念我民之交戒
真工訪於兢業
遠憂軫於逸樂
依良箴而却顧
皇曰耽於今日
山樞苑而起訴
役車休而朋鬻
汾圃滌而歲晏
蟋蟀鳴而懼意
辛苦酬以一娛
嗟我農兮同刈
初筵秩而永夕
今不樂而何俟
惟處逸其易荒
恐濫

曉之招尤事多忽於志娛念先存於思勤航籌錯而
未央倏反躬而旋軫印奚恬於職居詰有憂於敗度
輻長慮於縱慾眷熒規於循道憂固生於足樂畏奈
入於不畏奚謂安於此譙弗顧難而圖後阿吾俗之
柯則在良士之蹢躅冀庭睨以澤流聖人氓又多思
無己康乎足懼庶可惕於警爾邇二雅之所祇儼一
樂之靡傲回塲圃之胥歡苑鄉隣之相詰風人熒其
儉俗詠戒樂而申之非遺化而曷能在厚澤而未沫
及坎鼓之和鳴恐敗德而作醢撫土階而溯響想九
歌而反顧心既存於罔逸言亦功於無豫知自省之

若固和誓之壘壘攀憂畏而永惕樂飲食而奚忘
詩

示佳山精舍諸生

潛心默玩古人書積雪門前已丈餘今世不生程叔
子尊嚴師道復誰歟

讀論語有感

宮牆廣闢育群英焉約元由御馬生四教隨材提警
盡兩端循理發開明參回蹈舞光風淨賜偃薰陶化
雨榮千載未攀兩丈誨閱書恨快不能平

又

聖門親炙輩涵泳幾年中智賜循規進魯參嗜學冠
鳳翔狂點像鑑淨片言工生晚言堙後神遊泗水風
謹次朱子讀山海經韵

病起秋風晚林梢霜葉踈蕭然無所事吾亦愛吾廬
明牕理舊業一部中庸書四十方知非迷途復我車
誰言刺齒肥猶足一盤蔬天地同吾體鳶魚費隱俱
藝倫究洛疇奇耦玩河圖汨沒紅塵客榮辱問何如

其二

平生不改樂千秋陋巷顏優優亞聖姿天胡嗇其年
淞泗波已寒翹首憶農山一脈傳吾道方策有微言

其三

農人告晚穫冉々又重陽村酒味方薄要津阻且長
邵翁能識命巢父禮含光四序同佳興松青菊有黃

其四

詩俗嗟難說吾衰更孰憐故情惟白酒眞面但青山
才短違時用家貧積謗言古人先我獲隨分送餘年

其五

恭惟大禹氏孜孜惜寸陰何事今之學剽名道德林
羊質幻虎皮鸞形謾鴟音果哉荷蕢者焉識聖人心

其六

主民乃有欲宇宙治亂長屠叟辦大事墨台植綱常
浮畔行吟子瓊菊以爲糧悠悠度世願千載意未央

其七

爾公如曲鉤先我歎直木幽蘭我佩紉白駒在空谷
君子素位行振衣必新浴偉哉洛閩翁長夜秉明燭

其八

玉振兼金聲天高又闊海斯文賴不亡經傳格言在
五十懸無聞點檢多尤悔桑榆晚收功屹屹且將待

其九

安得遠朋來有酒多且旨一盞釀太和淳風挽不死

講刪看切憊眞實思踐履喙々百家鳴冥罔復誰恃

其十

不遇同今古虛拋有用才冥鴻色斯去祥鳳覽而來
願棄君平世奚關魏冉猜陽春白雪曲天地何悠哉
疇昔之夜夢陪先君顏色敷腴悅如平時多
有警咳者而未能盡記倏然覺悟彷徨感涕而
已

蓼莪詩誦淚先橫夢裡依稀拜典刑明發有懷仍不
寐茫茫天地此何生

效堯夫首尾吟體

老大非是好看書書是平生卞魯魚窮討百家高眼
目縱談千古廣遽蘆小兒黃嫺終難絕聖箭紅心自
有餘只爲存心觀理地老夫非是好看書
老夫非是好看書自有書中味勝魚掩卷一吟增一
歎杜門吾亦愛吾廬殘花嫩葉深杯後晴日輕風午
睡餘格致眞功存靜裡老夫非是好看書

仲春下第歸路有懷

洛城春日問鄉路寄坐征驂覺醜然漢水何如清灞
渡蓮葩不及桂華鮮霜蹄暫蹶非爲失風翼將搏孰
敢先千里難堪行役苦故教痛僕警歸鞭

又

倦馬兼疲僕吾行不暫間
侵晨經路險發夕耐天寒
野鳥吟晴日江魚戲蘸山
休言入室喜乘夜掩羞顏
陽月往潭州省村因作龜山之行與林生並鞭
曉色熹微遠客催羸驂
偏却短鞭來長程得伴良朋
晤百里龜山好面開

初月

雲沒星稀萬里天
偏憐初月未團圓
山童解道西亭勝
他夜清光滿眼前

次晚庵韻

窮巷頓無男子豪
回看何處五雲高
書生腹裡琅玕在
一叫閭門倘是勞

見雪消有感

乾坤雪雨滿瀟々
朝暉初登見自消
諛佞莫逃明者鑑
願將斯譬奏今堯

卽事

白髮呻吟叟鄉山
寂寞中到頭人有說
隨處鬼爲窮
陋巷深深雪寒簷
々風尙憐殘臘色
催却百年躬
問中無以爲樂
卽以眼前事口占

平生未買適甘酸
暮境何由打一歡
窮巷罕人謀酒

倦病脾須鏡閱書安陳根細嚼猶醒胃敗絮重縫不
畏寒只是兒孫衣食計千憂百慮苦多端

步前韵

鱗骨偏多橘太酸人間凡事極難歡官名栢府薇垣
竝生理朝殮夕粥安布被不完寧餽詐紙牕常弊也
呼寒優遊卒歲猶恩數何必憂虞擾百端

鄉庄即事

獨憐幽竹伴蒼松長得衰翁杖屨從今世願爲無事
客平生不作負情儂殘杯強進能銷慮薄俗多猜尙
有容只祝時和兼歲熟使吾春做睡鄉濃

卷之六

二十一

小室曾產一子而未育心甚慘憐今又得男已

四五朔老懷亦多開顏之時因戲吟

幾憐霜鬢味多酸妾抱奇男詫一歡誰謂汝啼吾手
戰始知渠笑此心安違時糲飯繼充餓經歲布衾不
耐寒門外忽驚邸報至枵婆方覺在朝端

到潭邑即事

千家花色映西東日暮偏多雨後風看取大都佳氣
像尋芳諸客此停驂

見冶工

大冶群金鑄聖功小民無用渠終日坐徒着利中思

自潭州省村歸

爲客二旬強，今茲向故鄉。
老馬鞭堪耐，殘僮卜不當。
開襟風禦汗，納履氣如翔。
越嶺山無盡，行途轉覺長。
宿蘆時站曉，行

春睡惱人不覺曉，正看朝旭射千山。
輕裝轉還歸，心迫馬不虛，徐僕不問

柳丈回昏宴

天住一家春，東床再吉辰。
香杯依舊在，華髮是新人。
賓盡東南美，榮傾內外親。
子孫今日後，永世佇看仁。

詠相思巖

層巖何事號相思能使行人住馬疑回首問渠
語無情還似有情悲

方革爭勝時輒口占

射存六藝中爭也君子風向決東西勝今看老少工
正心凡幾發省度乃能通聊得一時好元非業馬弓

智異山鷲谷寺答性上人韻

辛未冬

只爲清遊到此邊我非今世謫來仙同行別辨山中
味催遣藥鷹背上眠

贈李生朝岳

一會浮生亦有期携來石運不辭疲山稱智異堪誇

勝人盡東南可話詩暮磬自傳風外響寒松更秀雪中奇塵愁滌却團圞地客裡都無一事隨

登陝川涵碧樓

一帶長江陝外深翼然巖角一層樓畫欄涵碧影空
倒暮磬臨風響遠浮橋橫路轉行人急沙白洲清去
鳥留最是月明天霽夜湖山剩得臥仙遊

過三嘉

名以三嘉俗不嘉邑乎虛得字之嘉初來謂有殊他
界到此方知無一嘉

曉發向達城

佳林文集卷之二

二十二

曉發船淵向達城月光仍在啓星明同行五六隨先
後江岸霜風獵耳鳴

達城與同行相別

立馬城門外慙慙謝故人並鞭知幾日分手即今辰
遵路裾休摻臨盃意更新回頭惜不語山水摠傷神

過永川

永外春光早寒風尙悒人歷々廬州地鳴鞭不慙伸

道中即事

生來始到大洋邊住馬望之一爽然滄濤渺渺還無
地雲靄冥々只有天雪散斜陽群去鷺風驅遠浦獵

歸船暮入漁村聊借宿盈盤魚蕕是新鮮

月松亭

亭在海之東月明又得松地窮天更闊風急水如春

唱晚知歸棹危瀕見躍龍客來留一甌疑是畫中容

浦村卽事

行役支離不覺息夫新堂浦客懷新滿盤魚蕕多新

味立馬慙慙謝主人

竹西樓

高樓百尺俯臨危面面山宜水亦宜鏡臺洛寺知何

許今見關東第一奇



自林方集卷之六

三十一

漫行

十里松林馬足豪
北風吹帶海雲高
遙知洛寺團圓日
應話寥寥此去勞

上鏡浦臺

千里江陵一日來
扶藜獨上鏡湖隈
西瞻關嶺重霄出
東對瀛嶺萬丈迴
春漲綠波澄鑑闊
風安窮港暮篷開
徘徊却想前朝事
滌蕩誰傳太白杯

洛山寺次同行韻

暇日携同惠好遊
洛山聊擅美風流
梨亭白上千秋月
蓬海清來萬里颿
六七僧隨文士座
二三妓唱古

樓頭名區剩滌塵間慮更挽歸鞭且少留
寶日寮次崔簡易日出韵
曉望扶桑大樹東海波翻出一輪紅祥雲影裡開眞
面第一奇觀即此中
上義相臺
朝日揚朋上古臺一杯滄海萬事雲五峰山外許多
景最是無心白鳥來

繼祖窟呼韵相和

法祖何年傳鉢衣深々寶窟劫灰飛蓬萊小局留靈
迹能使遊人憎未歸

飛僊臺

屹立層峰似羽衣
朗吟猶記洞僊飛
人間若有神仙術
吾輩今應羽化歸

上愛蓮亭次板上韻

銅鞮觀外柳初青
半畝方塘一鑑平
春來物色渾如畫
醉後山翁不顧醒
光風面上宜吹到
霽月懷中正向明
千里嶺東何限好
携朋此日上蓮亭

送鄭百淳

送君偏覺別懷多
挽却歸鞭日正斜
漢水東流今試問
巫雲初起若相遮
呼觴細聽樓中曲
賞勝兼看雨

後花楊柳長枝須莫折臨行請撫美人叉

洛山寺外戲贈欽甫氏

立馬五峰山外路遲々春日別懷多同行且莫催歸
策強被情人挽不過

上洪川泛波亭

朝上泛波亭沙邊宿雨晴春風將欲晚花色正分明
峽裡人來少渡頭舟自橫忽聞啼鳥響時喚客心醒

登驪州清心樓

一帶澄江歷々晴清心樓上客心清沙邊白鳥無情
睡煙外寒鍾有意鳴花映水中春色倒舟還風浦短

帆橫松楸苑々園陵近詠罷宸章感慨生

玉果客店贈李興陽五岳

客店雙眸拭高興一見人有詩銷永夜無寐到清晨
解悶村醪足緣忙馬策頻迢々南北路分手欲沾巾

西村歸路

羸馬驕鞭路轉遲春來物態眼邊宜吟晴野鳥齊高
下釀雨山雲自逐隨細草色添微霽後寒梅芳吐晚
風時平郊十里烟霞足分付兒童且勿馳

偶成

茅屋踈籬半在山凍松瘦竹北風寒三冬閉戶觀書

足一日擗頭涉世難早識窮通皆有命不如貧賤且
爲歡村翁坐說明春事桑者携同十畝間
晝掩柴扉坐碧山時當殘臘送餘寒功名七載承文
阨事業三冬讀語難朝夕盤盂雖不繼弟兄和湛足
爲歡平生未解權門路終歲誰爭此漢間

自遣

耳目聰明四十過山居樂事亦云多行尋細徑看澆
圃坐讀晴牕說伐柯生長太平歌聖德好吟春日
浴清波悠然自在不知老毀譽升沉於我何

謝洛歸鄉本第

歸臥山庄午睡頽紅塵紫陌夢徘徊隔林晴日鶯聲
老過澗輕風柳絮來客罕有時披古字家貧無計取
深杯階陰乍轉爐烟歇笑指西疇麥事回

與宰臣奉和御製頌柑韻

幾仰橫經臨泮堂更看頌果御金殿

奉和聖製重修光化門感舊韻

門扁舊額增新囑孝述前光仰聖心

三月晦觀文臣重試還

雨雪霏々昔我來今歸處々杏花開輕風拂面羸驂
倦野鳥吟晴近却回

有感隨記

朝陟懸崖暮曲湄此生此樂亦優哉貪家百事由唇
舌阨處周親蹙頰眉笑罵從他間說去功名看我好
期來世間獨有忘憂物快倒三巡未見猜

雨後新涼快人

雨後新涼聽竹林近簷來月一宵深單衫自薄無餘
戀積汗初收不待禁山柿落盈兒輩掬草螢鳴伴丈
人吟脫巾露頂陶然臥忘却身家處半岑

槐院入直

千家寂歷曉星踈呼唱揚揚假注書待漏院中催蠟

炬開陽門外聽金魚鴈行肅穆瞻天近筵話從容握管徐八載功名良可笑不如歸去臥山居

洛城贈羅丞旨

四五佳期摠好文騷壇聲譽飽曾聞十年經業堪嗤我一筆功名可賀君局上殘棋愁共遣盤中美饌味相分此遊亦是吾王賜莫向家山夢暮雲

幽居

窮冬雪室故人疎獨倚明牕讀我書病熱不關隣有藥家貧寧歎食無魚村氓只怕全州尹洛耗誰知領相徐聖世休憐爲棄物天公應許此山居

槐院吏以次書報催促故口占一絕

王春正月歲丁亥槐院先生一事無小吏何須催入
直翩翩遠牘亦勞夫

詠懷

添得今年白髮驕自憐蒲柳未秋凋村醪不負佳山
月魂夢猶懸洛水橋溪雨欲晴風乍緊峽春生意凍
全消翫然臥看詩書字始覺貧儒事業饒
漫興

客散壺乾坐寂寥小爐殘火茗烟消出門稚子驕無
禮入室瘦妻慚不邀一部中庸時玩索百年榮辱總

膠擾山家自足春來事願與田翁學圃樵

贈李友

分得溪山一半居
芒鞋竹杖復徐徐
閒情日夕看飛鳥
理趣新晴玩躍魚
消遣百憂惟有酒
縱談千古豈無書
年來最感流光晚
君始頭童我齒疎

夢覺次簡易韻

身在溪山久君門夢去來
有如葵向日中夜首頻回
病起把酒

歲月偏從病裡欺
重陽白酒未相知
踈牕滴滴寒溪雨
古峽蕭蕭落木枝
棋局凝塵綠手拙
菟園晚稼識

心閒九秋黃菊猶餘日笑與隣朋說後期

次晦齋韵

窮鬼如何送未窮退之先我苦牢籠文章自古多憂
世命數由來少泰通不怨不尤吾有受能安能慮乃
流終十年枉費紅塵念始覺眞源在此中

次佔畢齋韵

註謂何以假正字亦陳人置散猶宜分求榮祗爲親
窮家無善策雪逕少嘉賓賴有溪山好寬閒任此身

立春日

經綸抱負丈夫身四十三年何狀人槐院謾養閒職

福喉司久弊假官茵明君在上時非乏聖訓莊中道
不貧窮厄並隨丁亥去且將多祉祝新春

聽蛙

爾鳴本不爲官私何事終宵動在池初似學音爭喙
喙更同呼類漸熙々微陽復後春先得群蟄驚前理
自知活潑天機隨處響一般生意有誰知

病中卽事

春來吟病冷蔬厨每向寒妻說有無截紙爲繩猶事
業呼兒撥火亦功夫誰憐兩鬢千莖雪多愧中心一
哺鳥欲學田家農圃老夏畦不慣理荒蕪

荒田爲風雨所敗歎

老去家貧不用錢
朝蔬暮菜勝於鮮
一番驟雨南風惡
晚圃新荒太半顛

自叙

懶眠初罷水聲中
庭樹徐徐送晚風
百畝田家梅雨足
一年蝸屋麥漁豐
逢人閉口吾爲法
無事梳頭日有功
多謝村翁謀酒意
匏杯相屬便醺融

杏實

庭前種杏幾時長
春色年年易向陽
看却枝頭新結綠
待他葉裡漸栖黃
夜來風雨知多少
朝走兒童太

劇忙聞說老農先驗麥滿籠佳實取馨香

驕省直中

誰使閒蹤更促裝翩翩羸馬漢之陽六年不踏紅塵
路今日驕曹太劇忙

暮歸

欹却烏巾半醉來真情看取故人杯莫嫌夕露霑衣
苦猶勝驕曹走馬回

秋興

秋晚田家事事優清晨老叟起梳頭棗紅栗坼驕兒
走酒熟鵝肥好客留古意北牕涼自至眞顏西嶽霧

初收陶然一枕間無慮始覺仙方在己求

謝李友巨源

山牕爲愛翰音通養得秋肥幾牝雄可惜平生東里
子公然指我賣鷄翁

登鳩林會社亭

烟樹重重度晚秋西湖一曲倚高樓千年往迹浮雲
白腸斷琴娥解唱酬

上元會飲

酒闌梅塢日如年節出山門月上天携手有期誰落
後引杯無數更依前橋頭緩步酬佳節溪外清歌入

翠烟此夜團圓真可惜勸君休作黑甜眠
半醉橋邊仍擊壺豪歌一曲世間無請君留約今宵
月好待來年更迭呼

雨中邀友

桃花欲綻杏花盡雨裡從容濁酒杯短策羸驂何客
至欣然一笑好顏開

獨坐

獨坐輕陰杏樹邊溪風疑自舞雪天悠然與物皆春
意何必營營苟度年

秋夜

多少關心夜不眠
起看秋月滿庭前
簷鷄搏搏林蒼
歇山色蒼然欲曙天

與諸朋川獵石隅沙汀

一壺芳酒泛清波
小鼎烹魚傍晚沙
寧羞白髮杯中
照老去閒情此日多

九日登佳山後岡

九日佳山飲黃花
未笑人岸巾時北望憂國一微臣

積雪

積雪嵯峨歲旣除
山中氣像太蕭疎
斧斤日入岡將
禿簡冊時披指不舒
紫禁幾憐魂夢繞寒齋猶喜

酒醒顰眉感慨平生友望八光陰問曷如

次古韵寓己意

白髮蒼顏非昔時新春無事醉眠遲遙將玉宇瓊樓
戀說與平生故友知

向來何事入官府偃蹇青山不肯親今日始看眞面
目願爲當世一完人

丘山之性江湖癖詩愛唐人文漢書酒過三杯聊醉
倒風花雪月問何如

霜髮元非好氣像誦餘還覺遁精神急流勇退眞豪
士古往今來有幾人

一壑佳名久自專柴門橫帶小溪水留心藥朮綠沉
痾造物猶猜佳臥起

長物貧家歷數無廐中小犢始生角園筠亦被寒威
枯惟有驚栖夜半鵲

天教閒漢住山居採蕨釣魚鮮且美富貴浮雲眞格
言玄翁喚起靈臺裡

新年二月又將至老去光陰似水流若使有錢兼有
酒此中何羨五湖舟

又步前韵賦五絕

多病良醫願耽書午睡遲天教閒漢放幽趣有誰知

其二

聖訓恭吾受忠君又孝親愧負平生志虛爲一散人

其三

濫竊科名久十年假注書因仍老亞長世味較何如

其四

文短窮難送詩疎未泣神時非元祐世何必願完人

其五

屋上蒼山圍門前一帶水超然不見塵日夕晴嵐起

其六

貧家貴一錢無異馬生角求福不回人何關報喜鵲

其七

無怨最爲難何能全兩美曲肱蔬飯眠然後樂那裡

其八

惻惻餘寒重茅簷雪水流烟江簗笠雨何者臥漁舟

次從叔老溪翁韵贈曹君

月出來時君政到綏談月出奈離何從今月出山中
事月出思君夜夜多

春日咏懷

此生猶足此山廬出脚風塵誰使歟十日薇垣隨衆
後二句騎省檢公餘清陰待取幽軒竹閒趣携同晚

圃鋤不是好名爲勇退元來野性厭京居

病中拈唐律韻

六十五年何樣叟終貧且窶意悠然陰濃夏木排烘
日花爛春山煮杜鵑敵袴不妨恒滿垢寒厨猶喜晚
生烟明時剩得閒眠趣酒後依慵臥葛天
不聾不啞何由靜無慮無思乃晏然莊生已覺南柯
夢杜老奚傷蜀道鵑豐徵佇驗繁疎杏家象先知早
晚烟紅潮半上三杯酒老叟精神較少年

自誌

平生不願姓名香自許金心與鐵腸數卷殘書猶玩

索時開竹牖向朝陽

勿染亭贈主人羅丞旨

屹然丹嶂俯清沙
點着孤亭似畫家
赤壁千秋蘇子後
吾生今日感如何

京舍

羈懷歲暮若爲寬
溫酒蒸饅半夜歡
隣簪有靈頻叩算
臺烏不際欲彈冠
山間積雪南鄉遠
城角殘更北斗寒
榮辱元來都是命
行藏須向聖賢看

思歸

洛城塵垢滿征衣
羸馬羸僮久未歸
寒月欲圓知臘

近荒苔自足見人稀
置情栢府羞烏噤
鄉信茆簷占鵲飛
賴有隣朋多款曲
時來時往願無違

春日西嶽洞口與諸友煮花唱酬

桃花欲醉柳初眠
此會春山不偶然
雙樹陰中人似畫
一溪洞處畫如年
朋呼大酒醺堪愛
僧煎團餅味政妍
白髮可能留勝事
從今歲歲更修緣

述懷

驚秋客袖好還鄉
月伴征驂到夜忙
不合時宜身自退
反修初服意差強
親朋莫歎遲朱墨
老圃猶憐保晚香
短策芒鞋今日約
君家酒白我鷄黃

晴日半月社會飲
田家九月雨如麻
南里清樽綠未賒
一會天應良日
借百年人自美談
誇秋山霽後精神
爽霜鬢酣時氣
像奢所貴平生多
適意且將餘趣問
黃花

奉呈肇齋李茂叔

朝食青蕨夕炊粱
更覺山人趣味長
巾倒北牕時偃
仰杖穿南澗自徬徨
殘紅短短猶棲樹
亂白輕輕復滿場
還與老農談不倦
坐看晴日下西岡
平生偃蹇愛青山
流水桃花在世間
不以三公輸此
樂寧教十畝勵他閒
憐君白首官清廟
幸我紅塵覺

醉顏黃鳥數聲驚午睡却欣城隸帶書還

席上和士受溪亭韵

身在危欄影在汀夕陽蒼翠一般清溪流蕭瑟騷襟
冷峽夜團圓醉眼青三日留連眞率會百年邂逅故
人情浮生此席謀難再杯到君邊且莫停

陪老溪翁觀魚前川

鶯啼林綠晚晴餘架上閒堆幾卷書朋爲打歡謀簿
酒童知取適獵肥魚黃梅雨後山容淨青草溪邊樹
影疎移席隨陰終日話沂雩清興問何如
幾歲離違杖屨餘一番清誨勝琴書隣朋會意先謀

酒稚子候溪競取魚近水槐陰晴日轉隔林鶯語晚
風疎紅塵間說多歧路閒坐山翁較孰如
病渴思爽口之物園中櫻桃政紅手自取吞
手挽櫻桃下渴喉烏巾倒掛綠枝頭傍人莫笑鹿疎
態老去童心尙未收

與隣朋小酌

坐見新春逼歲除雪莖薺鬢一年於官名亞諫論何
事病阻明時懶不舒藥爲處窮存四味文因悟道卷
三餘百憂且使杯中遣好對隣朋不盡醺
半年再忝諫官除耳目清朝何所於殘臘寒光莫欲

厭小溪春信柳將舒公然白髮添無數一段丹衷老
有餘只喜太平鄉社俗歲時村酒且須醺

陪隨陵幸有感

遲遲厭衛五陵東是日城圍不盡桐微臣病阻千官
後暮雨惜々淚送風

臘晦有感

歲暮愁看白髮長門前糴吏猛如霜官休聖世隨
宜分計拙貧家動有妨飛雪凍雲埋野色偃松瘦竹
撼山光平生愛讀韓碑字人或稱狂我不狂

敬次

御畫墨竹韻

恭惟我 聖后旁透允如斯筆端生造化淇澳千年
猗

次四皓圍棋圖

飛瀑長松下丁丁響自何紋枰圍四老晴日轉南柯

次松間鳴鶴圖

丹頂倚蒼官憂然如有意飛過疇昔宵疑是坡翁使

次天下地圖

九點秋烟微縱橫幾萬步龍眠半幅巾一瞬可馳驚

次河洛圖

象數肇何年驪龜自燦然大人能合德先後不違天

次韻梅四首

不遇離騷風胡爲惱畫工瓊僊猶髣髴喚得惺々翁
朝辭大庾嶺暮向枕邊依疎影如相愛誰尋一徑歸
年少皆桃李繁華滿四隣憐渠依壁上寂歷不爭春
于砌于盆可君胡求畫厨假花真有愧僞幹半如朽
歲久塵同染春還氣不敷精神元在此最是主人娛

次齋魚書法

筆法貴形容誰能運毫鏹在天或在淵如羽又如躍

海佛基贈鶴上人

高頂結廬脫世塵鶴襟飄逸養清真湖山日夕無邊

興獨爾閒中好與隣

贈善上人

藏山七十載雲月映蒼顏
汨沒功名念堪羞爾永閒

春夜偶吟

玄陰剝盡載陽回春意先驚小院梅
山鳥始翻摧凍羽池魚初振負水鰓
清宵霽月開塵界寒竹微風掃雪堆
庭吟自覺閒無事俗慮都忘酒數杯

登佳山江亭

清明三月上高邱吾輩何如點也遊
日晏長堤春色嫩淵鳴深谷客懷幽
前郊採女青盈掬夕路行人白

閔洲佳酒良朋兼好節醉中愁逐水東流

別趙兄

三宵細語意猶餘送別今朝更黯如
摻袖爲期相會

地良緣將得續遊初

贈李友巨源

數旬濶面又今圓終日虛襟意豁然
歸路莫嫌暝色

起故人情晤是良緣

述懷

白首窮經土還同結夏僧虛舟嗟獨泛
氣岸更誰凌
花竹成三益溪山有一能
揮鋤歸晚圃中心照片水

次棄棄翁

翁心既棄世世亦棄丁寧酒自縱橫濁山惟偃蹇青
晚牕詩業富閒圃杏花零耕鑿猶吾分嚶嚶祝聖
靈

次向陽齋

春花易向陽君自貴含光曝背兼當戶何煩泄柳墻
菊秋涼夜獨坐無寐

樹梢依微缺月低溪風不動露淒淒寒蟲繞砌秋聲
晚簾竹當簷夜色迷鄉圃舊功收柿栗聖朝新化
祝雲霓村醪少力仍無寐坐到晨鷄喔々啼

十九日自城南聞有賀儀曉頭還家

晨策疲騾踏月出此行非爲此身謀群兇就戮群情

并欲獻中宸萬々秋

至月初老溪翁來留源友復來共吟

多君詩態老逾豪醉後眉稜幾丈高錦里先生欣共

對向來携杖不辭勞

送舍弟入府辦糴

貧家事事動生庀兄也嘖時弟也謀強策疲騾城裡

去北風號怒老奴愁

即事

人間遍踏古今路處處羊腸轉步難詩律却從窮相
瘦宦情先自拙規闌僮僕煖堦荒松杪婢惻遲炊遶
井欄多病更疎隣友話朝來爽氣但青巒

追次源友韻

雪後頑雲凍不飛強鞭羸馬入山扉三杯說到平生
事白首真情夢亦依

陪老溪翁同話

瘦竹寒松繞短簷雪花飛散見纖纖一丘一壑皆吾
舊杖屨盤桓喜色沾

厖眉書客感懷生鏡裡蕭蕭歲月驚樽酒相逢吾是

弟溪山一半孰爲兄沿蹊隨柳前春事閉戶看詩老
去程浮世莫嘆窮達異依然雪月夜來晶

又次是窩韻奉呈棄棄翁

山月盈牕夜色寒悄然倚枕假眠難身多疾病三冬
久緣薄功名萬念闌風掣凍禽驚宿杪雪穿瘦竹着
疎欄是時殘臘思人苦梅塢蒼茫隔一巒

小室男見摧

生無貴賤各言子玉折蘭摧奈爾何學語奇姿逾久
優挽鬚眞戲更誰呵猿腸寸斷吞聲哭老淚縱橫忍
慟哦癡坐獨憐春又暮落花啼鳥夕陽多

邀洞友四五老曲會

少年於老不相親
白首相逢始識真
一唱欣然增意氣
三杯醺爾頓精神
輕風拂袂醒猶倦
晴月當筵趣更新
春色已殘啼鳥響
解携衰境共傷春

又賦五律四首

二三眞率會援古
且談今野酒無多酌
騷襟足一吟浮雲天末遠
飄絮水中沉
白首青眸慣相携
惜寸陰村朋勤共招
扶杖渡疎橋
衰髮掀溪面
殘花掛樹腰
隔林幽鳥近
依嶺片雲遙
生値昇平世
何妨混老樵
扶醉山前路
蒼然月色多有官
稀着帽無處可衣蘿

忽見三春去渾如一夢過浩歌仍不寐天地奈吾何
醉鄉非互鄉蒨屋勝阿房西嶽看朝氣北牕引午涼
經綸憐髮短憂愛但心長靜坐營何事圃農費細量

林檎

庭前有木號林檎枝葉欣欣向綠陰何許恠蟲紛結
網盡籠青杪變呻吟

木惟先腐乃生蟲此理吾方驗目中一網打殘全樹
絲戕賢病國暗相同

聞子規

千年怨恨尙呼誰夜月空山處處宜春深莫向莊

陵去恐有君王不盡悲

自我失之復怨誰春山明月乃相宜千呼萬喚都無
用何不緘味少忍悲

贈璜溪故人

斜陽在出醉吟低倒着烏巾樹下迷璜溪得及襄陽
否怕有兒童拍手齊

述懷

疾病憂虞春半催梨花明月子規來婢供美蕨醒殘
胃妾釀新醪戒滿杯出處榮枯皆有分功名富貴莫
相猜時時臥閱叅同契大藥金丹夢幾回

李友長卿書佳山幽居四字及水竹清寒鶯花
富貴八字余揭諸壁上愛其蒼然有乃家法遂
逐字分韻作七絕二十四句聊以詠懷
水繞山遮境自佳蕭然竹杖復芒鞋浮雲一任閒舒
卷鳥近茅簷花滿階

暮年何幸擅茲山雪月風花不等閒材枿固宜明
主棄家貧長處老農間

深巷人稀坐獨幽時斟薄酒遣閒愁休官聖世吾
何敢隨俗同流自不謀

竹色溪聲修弊居蒼官相對勝銅魚明牕書業猶難

廢日閱心經一部書

冬日飲湯夏飲水平生不願膏粱美試看獨負朝陽
翁猶勝五更待漏子

誰言不可居無竹瞻彼東園可警俗若使此君長不
老來何患食無肉

晴月排雲萬壑清壑水南征鴈漏新聲山翁曳杖看天
色河漢昭回北斗傾

遙望瓊樓不勝寒孤臣猶有寸心丹夢中不識身田
野冠冕時隨入紫壇

睡餘拄杖聽流鶯宵裡何曾有不平仍就石床斟一

盡隔林茅屋晚煙生

春來最愛滿山花遙帶紅霞日欲斜莫待離披終亂

落勸君携訪酒人家

溪山何似公侯富憂樂閒忙自邂逅妙理此間人少

知養心要與孟周授

布文菽味孰知貴玩索年來頓滌胃門外風波千丈

高不關方寸浩然氣

歲除

臘盡蕸殘此一宵滿杯村酒百憂消終南漢水多魂

夢白首彈冠戊戌朝

元日

年之首與月之元病體新輕試出門老去尙餘當世
念呼童更進一匏樽

湖海誰稱一世豪溪山君有數層高新年樂事村醪
足靜處閒緣午睡牢始識今辰非昨日却憐青絲換
白毛稍待雪消寒盡後解携南北不辭勞

次源友

焄焄今宵足可憐一杯村酒送殘年山翁枉費推移
力日月何能反彼天

東方一士有其樂七里灘聲等弊梳山月溪風閒是

主松檉竹牖澹如虛逢迎野老頻携杖歷抵卿門肯
曳裾清福由來天所餉三公不換匪君歟

病中忘上元驚起村童喧翁有治醵酒何恠分一樽
山翁焉用曆花葉可知年况復壺中臥靈臺自一天
尺地同千里長吟渭樹天君子交如水何關數闊焉

山居

山居偏側異高低三五于東或在西犬吠鷄鳴分巷
陌童樵女菜入蓬圭寒溪易漲聲初活老柳先春色
不齋中有散翁忘世臥太平烟月醉還迷

次柳下韻寄懷源友

天地空留浩浩歌當時才子命如何看今世態浮雲
變從古儒冠白髮多且把花簪量老樹還將野服製
新荷陶然十畝閒無禁門外奚關百丈波

源友方營子舍頗以心匠有勞因寄贈

惜君虛老小山頭花竹經綸剩一簫少讀詩書貽訓
誨晚營家室學綢繆年來厭向殘碁着客到時爲斗
酒謀聖世閒氓誰最是此翁心匠日應休

無事山翁築室爰閒拖竹杖日開門新年二月芳華
至盈掬椒聊實自蕃

復和

春早庭梅未綻時故人杯酒此何遲蒼茫一半溪山
外惟有翩翩數牘詩

出宰鏡城

東出都門二百里終南漢水夢猶青郵人且莫催前
路廿載功名是鏡城

贈金剛僧

三僧路左背人笑東去金剛百里程白首青衫何許
客勞勞不憚北關行

登鐵嶺

天限北南山似鐵驛羅前後馬如龍眼中只計長亭

近雲外忽驚朔氣通

踰咸關嶺

咸關嶺上不容幘形勝天教護北藩一宦蕭條行幾

日邑人郵卒半嘈喧

過尹侍中臺

三旬遠客來千古侍中臺滄海茫茫大遺烈與之恢

居山驛村海棠

忽見海棠花天然出晚霞路側誰憐汝明沙特愛多

到摩雲嶺

山上白雲多分明手可摩昔聞今始見住馬一長歌

踰摩天嶺

二千里外一官冷六月旬間五馬行強到端州天又

雨完山會拭雙青

除喉司感恩

騎省銀臺次第榮聖明猶記賤臣名鄉隣滿賀鬢

邊玉道是山翁復入城

誰謂秋風病欲蘇出門扶杖立斯須恩綸忽自

中宸至野老居然下大夫

強起之京

爲謝殊恩策病軀行行四日尙中途平生點檢成

何事旅店寒燈獨自時

到南秦嶺

卸裝解鞍幾家宿忽見終南近五雲頂
踵髮毛皆造化此行何以答吾君

入園與群僚相和

滿城寒雨太無端相對衰翁一笑看最愛晚香堦有
菊不辭終日酒盈盤光生古劍同傾膽氣上疎眉復
整冠十載始能奇遇得趁宵送話月西欄

宿騎堂

更鼓遲遲漸覺長白頭騎省有何忙只爲聖主

恩如海塵剝思酬夜未遑

遠途霜鬢客騎省宿緣多蹶起仍不寐頻煩問夜何

再往中日廳試所

禁苑初看武藝豪報塲松影肅清高朝霏尙厚風

如割後躍前推太劇勞

夜起彷徨

多愧詩豪與酒豪暮年誰意職名高自天有限知因

果夜起彷徨不憚勞

直中無可與語者臥次屏風六帖韻六首

蕭蕭落葉任風轉嵐氣初從木覓取禁省悄然無所

事臥聞宮漏兩三籌

十月省中天氣肅風陰老樹數三枝清晨病叟梳霜

髮金虎門開唱導時

無端爲客漢城久黃菊盞中十月來一入禁局歸不

得霜華重着玉堦苔

書生本不覓聲利客裡偏憐日月流安得思如陶李

飲一樽相屬更登樓

天河欲減曙星隱雙鵲啼々報喜歌從此浩然歸意

決猶瞻象魏戀情多

竹林茅屋可容膝誰使衰翁強疾來十日公然官職

耐弊袍還愧染紅埃

次柳君弼歸樂窩韻

苦海多君早振衣名區獨占願無違
扶藜却伴閒雲出挂笏時看倦鳥歸
樂意相關陶令宅風期不羨渭川磯
山妻漉酒兒供蕨午睡初濃頓忘機

自醫家暮還

叱馬歸心促親候日間何願求良藥
效即見喜歡多懷祖起祖爲其先君
遺事要得執友間悼亡詩故以二絕贈

伯仲交遊幾十年文情醉態尙依然
從今不忍貞西

路啼鳥飛花淚眼邊

床頭猶記聖賢書古貌蒼然朗誦餘今世似君那可
得夕陽無語下階除

擢亞尹後感激有吟

聖主恩言字字銘微臣百拜淚先橫銀臺騎省榮
猶極今日居然又亞卿

源友之沒已周年矣奔走京國筋力殆盡時患
本症尙未一哭令人可嘆遂感吟二絕

文情醉態尙依然黃菊丹楓摠眼邊獨對匏樽疇與
語滿梁殘月夢猶憐

文章聲價命仇謀積屈荆園莫怨尤年來不忍村前路
霜髮蕭蕭又幾秋

感聖恩吟

壽富多男祝聖人却留閒漢在山身
恩言拜受瞻顏日榮栢歸誇賜暇辰
歲不待余驚近臘凍遲封竹愛長春
陶然支頰明牕下時聽兒孫誦讀新
又

青年今作白頭翁萬念都灰臥病中
祇爲聖恩偏淡憶夢魂時入紫宸風

見早梅步舊韵

元日忽驚見古梅
妙胎知自臘前來
蒼幹錯雜迷全體
素影婆娑得半開
山頂雨過初變色
石顏塵洗欲生苔
翁年七十猶嫌老
村酒不辭三兩杯

謝僧饋佐飯

如夢如癡七十翁
不求不忤病吟中
一筒素饌來拜饋
始覺山僧亦世風

題冬春栢二首

不問冬春栢勤培
二十年今朝措病目
絳萼始天然傲雪
奇名字逢春始見紅
許多分造化無乃失全功

日食歎

元日胡爲此日微
聖朝憂切庶黎唏
君心願化
光明燭四海窮廬也照輝

擬古

小臣拜獻南山壽
殿下千年垂大名
偏感古人先
獲我中宵不寐寸心銘

有所思

望八光陰倏已屆
歲新何事轉淒傷
夢中不識身全
老時向
丹墀拜稽忙

夏夜病中作

窘雨田家又阻飢
人間七十見初稀
通宵照燭眸先

繡終日揮蠅手自疲傳說海沿農事錯幾勞宵旰
聖君思林風不絕鶯聲老病裡居常午睡遲

愁

七十一年事平生不自期又當陽月暮愁見雪風馳
天末浮雲捲山頭凍雀悲從今至八耄餘日豈云遲

憶紫宸

七十三年翁蒼山白屋中尙餘葵藿戀夢繞紫宸
風

偶吟

林間一老翁醉夢昏昏中忽驚牕外竹瑟瑟引寒風



有懷

宦遊京國若前生病臥林間何所成
幾卷古書時簡閱數杯村酒日經營
兒孫請學神猶旺野老談農聽不瑩
最是臨年纈況苦夫人墓下妾人瑩

悼亡二首丁巳

汝何先我逝情事說堪憐謂吾必不起
徑自促長年忍說年前臘朝事香魂忽逐砌花消
流光不貸人間住轉眄亡期隔一宵

自解

七十三齡昔未期倏然今日坐逢之
不知從此支干

幾一聽天公處分宜

醉起言志

亞卿非不貴八耄非不壽二者兼一身復何餘外求

古詩

次林滄溪風雪訪草廬韻

老矣偏憐歲月除男兒功業問何如誠心不讓莘郊
聘弱輔誰當渭水漁遵彼龍岡言駕出櫛來風雪訪
幽居身丁四七炎光熄蛟在池中氣未噓義結桃園
先唱旅踪羈荆土久停車雄圖踣蹶肥生憚世事嗟
跼淚滿裾一書又徙南使至中歧莫挽北歸徐檀溪

躍馬天其佑水鏡稱龍子啓予塵世久無躬束帛田
間尙未櫟耕鋤才倫尙摯知非歉業比蕭曹必有餘
經濟佇看王佐得枉求何憚一身虛深山暮歲轉蒲
輅虐雪寒風向草廬玉簇霏々傾盖地金鞭促促爲
君攄頻煩三顧扣計策談笑片時善卷舒天下豈輕
阿瞞敵吳中勿使仲謀疎三分可見存天府一據終
知保蜀墟坐裂山河審指畫出營王業瞭權輿昭融
契合眞風虎密勿心同是水魚五丈原頭秋夜冷八
陣圖上晦光初君臣灑落千年義追憶未嘗不廢書
讀滄溪夜坐放言次谿谷韵亦各言其志也遂

感而追續

草堂春夜無長檠獨坐如癡閉戶庭昨非方似酒初
醒今是宜從心即惺耳目聰明資視聽偏憐擿埴汨
塗冥男兒二十作何形讀聖賢書愧晚成工夫惟患
不能精言議何憂時輩搜年少雖難斯世經朝端尙
可風稜生乃知明德本虛靈末仰聖神立典刑人間
之事每難並實地莫如作幹楨鬼瞰朱門嫌吳腥虛
室琴書聆大聲蕤幄時節若孩嬰季世何爲戰國荆
千載未醫一病醒偃々迷路只凡情窮巷幾嘆虛度
齡側身今望五雲京莊園莫駕長風冷不辨是非等

鼎鑄霽月光風誰與爭
鶯花富貴此莫榮
安能防慾如嬰城
丈夫屈指取公卿

挽林生員秀栢

代人製

吟罷伐木章
吾友今也亡
想來平生事
依俦談笑場
天然美姿質
豪氣任徜徉
得恣都忘却
疎放亦何妨
從遊五十載
幾拭青眼眶
地界稍南北
每嘆別意長
誰料昨年晤
便隔生死茫
落月驚曉夢
故人如彷徨
往事何忍說
連哭二子恣
衰年逆理痛
聞者亦涕滂
禍厄何此酷
無言問彼蒼
六旬縱云壽
後事何悲涼
呱呱三孫泣
熒熒一塊傷
雖然天有定
凶極運必昌

公歸復何憾付托有季方況復先慶積槐陰滿庭傍
悠悠存亡地萬事皆亡羊永負蒿里餞臨題淚數行

挽古阜某人

代人製

鶯啼綠樹深思公一傷情情親十載後茆葛誼不輕
層雲映高義聞公少也名天然任放曠豪氣自崢嶸
閒對樂園局頻携竹林觥科甲雖非欲文翰夙有成
談論逢處闊風流座上傾吾女是公婦前夏已吞聲
公我皆白首一書拭淚晴自謂秋冬後相對撫遺嬰
豈料人事非公先棄平生空採落月滿偏憐曉夢驚
人間六十年嗚呼就新塋一理終有報三蘭佇必榮

此言如不信堂下槐陰盈嗟我衰病甚瞻雲淚謾橫
又負蒿里餞何處是佳城唱斷薤露曲臨挽不平鳴

戲題

假使百年生得盡百年光景幾何顏除他疾病與憂
患餘日無多駒隙催己焉哉都是人生非百歲且將
村酒日三杯

挽金溝宋姓人

公今永歸矣何辭送公征人間七十年一場春夢驚
昔自童子日詞林擅高聲屈指平生期蓮桂次第榮
數與心相違終不就一名幾嘆霜蹄蹶堪憐白首營

一片丹旌上空題故學生蒼茫萬事非此理向誰評
問天天不語質鬼々難明文章憎命達從古有不平
溫々好風味如公世誰並敦睦親戚悅忠信州里行
若余衰朽者頻聽下風清世誼兼戚誼交情更舊情
頃在戊辰秋慰公衰麻縈一夜團圓地欣瞻棟華英
如何一別後季方先北塋顏齡割半懷有淚應縱橫
公又隔黃泉往事鳥一嚶雖然天有定公歸且莫忤
積善知餘慶堂下槐陰盈病伏違執紼題輓淚滿纓

輓羅承旨 忠佐

我交異乎人只許相知深江山遊必伴風月對共吟

哲離如有失契託苑生心

又

地下孰與遊人間我無依不昧者知否
樑月見依稀
慟哭三川路哀詞挽君歸

和源友

君自好唇齒吾請對以齒禮戒母決齒鄉稱莫如齒
或饜而讓齒或燕而序齒或喜忘展齒或怒拉人齒
或病服龍齒或詩興鼠齒四海習鑒齒什方候雍齒
蠻國號金齒楊妃病玉齒梁武日嗽齒昌黎歲落齒
倭娘粧漆齒燕客肥刺齒隣梭舐鯢齒公冒掛鯨齒

處世無切齒居憂不見齒張生說寒齒聞者亦冷齒
使無怨沒齒管氏誰能齒造化命之齒角則不與齒
人若長全齒世豈歎豁齒少日皆信齒老去漸憐齒
今君添一齒談理不爽齒如何怨痛齒字字在茲齒
却羨退之齒其情亦酸齒莫嘆獨呻齒不痛寧損齒
雖至無餘齒足與諸老齒言語同有齒飲啖可敵齒
春酒洗殘齒清酌動寒齒且莫強拔齒慎勿近皓齒

春風起時，南陽道遠，寒氣且莫，嚴冬尚勝，於此時節，
雖至，然猶未與，與春氣同，言謂同春，則可謂之
春風起時，其時亦與，其時亦與，其時亦與，其時亦與，
今春第一，謂春時不與，春時不與，春時不與，春時不與，
人時，且金，金州，金州，金州，金州，金州，金州，金州，
金州，金州，金州，金州，金州，金州，金州，金州，
佳村文集卷之一終



